



Na osnovu člana 52. Zakona o obrazovanju odraslih („Službene novine Kantona Sarajevo“, broj: 40/15, 40/20) i Odluke broj: 166/22 od 22. aprila 2022. godine Centar za edukaciju i istraživanje „Nahla“ raspisuje:

## JAVNI KONKURS

za upis polaznica na Program neformalnog obrazovanja „Obuka za User interface/User experience design“ za obrazovnu 2022. godinu

### I UVOD

Centar za edukaciju i istraživanje „Nahla“, u okviru provedbe projekta „Lokalno partnerstvo za aktivaciju i integraciju nezaposlenih na tržište rada“, koji finansijski podržava Evropska unija, a realizuje Međunarodna organizacija rada (MOR) – u okviru projekta “Podrška Evropske unije lokalnim partnerstvima za zapošljavanje – Faza II (LEP II)” u skladu sa Sporazumom o implementaciji broj: 02/03-11-6972/22 (40371679/0 ILO broj), od 24.3.2022. implementira Program neformalnog obrazovanja „Obuka za User interface/User experience design“ za 13 nezaposlenih polaznica s područja Kantona Sarajevo.

### II OSNOV IZVOĐENJA PROGRAMA

Centar za edukaciju i istraživanje „NAHLA“ upisan je u Registar organizatora obrazovanja odraslih pod rednim brojem 3. na strani 3. Rješenjem Ministarstva za obrazovanje, nauku i mlade Kantona Sarajevo broj: 11/04-38-15748-7/17 od 7. decembra 2017. godine.

Obuka za User interface/User experience design je akreditirani neformalni program po rješenju Ministarstva za obrazovanje, nauku i mlade Kantona Sarajevo broj: 11/04-38-7637-2/20 od 20. augusta 2020. godine.

### III OPĆI I POSEBNI UVJETI ZA UPIS

- a) da je kandidatkinja prijavljena na evidenciji nezaposlenih u Kantonu Sarajevo prije objave javnog poziva,
- b) državljanstvo BiH,
- c) minimalno SSS, III ili IV stepen,
- d) kandidatkinje starije od 18 godina,
- e) osnovno poznavanje rada na računaru (Microsoft Office paket, s naglaskom na MS Word),
- f) osnovno poznavanje Adobe paketa (Adobe Illustrator, Adobe Photoshop),



- g) da kandidatkinja pristaje na karijerno savjetovanje u okviru Centra za edukaciju i istraživanje "Nahla" i posredovanje u zapošljavanju Službe za zapošljavanje Kantona Sarajevo nakon završetka programa obrazovanja odraslih,
- h) prednost prilikom odabira kandidatkinja imat će prijavljene na evidenciji nezaposlenih – Biro Novi Grad,
- i) u slučaju jednakog broja bodova, prednost pri prijemu u obrazovnu grupu dat će se osobi sa invaliditetom.

#### IV BROJ KANDIDATKINJA KOJE SE MOGU UPISATI NA PROGRAM

- a) Jedna obrazovna grupa - 13 kandidatkinja maksimalno u okviru jedne obrazovne grupe.

#### V NAČIN REALIZACIJE PROGRAMA OBRAZOVANJA I TRAJANJE

Program obuhvata predavanja i vježbe te druge primjerene načine realizacije u skladu s definiranim programom.

Program traje 120 časova, pri čemu jedan čas traje 45 minuta. Nastava će se odvijati 2 puta sedmično u poslijepodnevnim satima i definirat će se Ugovorom o edukaciji. Početak nastave je: 24.5.2022.

#### VI TRAJANJE PROGRAMA I UVJETI ZA ZAVRŠAVANJE

S ciljem utvrđivanja ispunjenosti općih i specifičnih ishoda učenja vrednovanje će biti formativno (kontinuirano u toku odvijanja obuke) i sumativno (na kraju svakog nastavnog modula).

Oblici vrednovanja uključuju zadaće i vježbe koje se realiziraju tokom nastave te završnu prezentaciju rješenja planiranu u posljednjem modulu. U toku petog modula polaznici će imati vježbu da riješe određeni zadatak kroz formu UI/UX, kroz webstranicu ili mobilnu aplikaciju. Zadaća u toku trajanja obuke je obavezna i predstavlja uslov za pristup završnoj prezentaciji.

Uslov za pristup završnom ispitu čine:

- uredno realizovana zadaća (minimalno 70% po svakom modulu),
- prisustvo nastavi (minimalno 70% po svakom modulu).

Uvjerenje o završenom usavršavanju dobit će polaznica koja ostvari minimalno 60% ukupnog broja bodova predviđenih programom.

#### VII NAZIV ISPRAVE KOJA SE IZDAJE PO ZAVRŠETKU PROGRAMA

Po završetku Programa i zadovoljavanju svih kriterija polaznici će biti izdata odgovarajuća isprava o obrazovanju kojom se potvrđuje da je ustanova provjerila i potvrdila ishode učenja i to:

- Uvjerenje o završenom usavršavanju.



## VIII VISINA ŠKOLARINE

**Obuka je za polaznice besplatna.** U slučaju da polaznica neopravdano i bez informisanja i saglasnosti izvršne direktorice prekrši uvjete za završavanje obuke, navedene u članu VI ovog konkursa, dužna je platiti iznos troškova školarine u potpunosti. Troškovi školarine na komercijalnoj osnovi su 550KM.

## IX SPISAK POTREBNE DOKUMENTACIJE

**Polaznice u prvom krugu se prijavljuju putem [online formulara](#). Potrebnu dokumentaciju dostavljaju SAMO one polaznice koje su primljene u obrazovnu grupu, a nakon okončane konkursne procedure.**

- a) Prijava za upis koja se preuzima lično u ustanovi ili online;
- b) Izvod iz matične knjige rođenih;
- c) Potvrda o mjestu prebivališta – CIPS;
- d) Uvjerenje o državljanstvu;
- e) Svjedočanstvo o završenoj srednjoj školi (najmanje III stepen) ili Diploma o završenoj visokoj stručnoj spremi;
- f) Uvjerenje nadležne službe, ne starije od 15 dana, da je kandidatkinja nezaposlena, područje Kantona Sarajevo;
- g) Ukoliko je osoba sa invaliditetom prilaže se rješenje o invaliditetu nadležne Službe za socijalni rad ili nalaz Instituta za medicinsko vještačenje.

Konkursna dokumentacija dostavlja se u originalu ili ovjerenoj fotokopiji, ne starijoj od 6 mjeseci od dana objave konkursa, **a nakon što je kandidatkinja obaviještena da je primljena u obrazovnu grupu na osnovu rezultata konkursa.**

## X ROK ZA PREDAJU PRIJAVA I NAČIN PRIJAVE

**Konkurs je otvoren najkasnije do 13. 5. 2021. do 15.00 h.** Kandidatkinje se prvo prijavljuju putem [online formulara](#). Nakon što se provede konkursna procedura (testiranje i intervju), odabrane kandidatkinje dostavljaju dokumentaciju iz člana IX.

Sve dodatne informacije mogu se dobiti na broj 033/710-650; Fax: 033/710-651, E-mail: [edukacija@nahla.ba](mailto:edukacija@nahla.ba).

## XI RANGIRANJE KANDIDATKINJA

Ukoliko se u okviru konkursne procedure prijavi više kandidatkinja nego što je definirano u odjelu IV, cijenit će se po osnovu člana 52. stav 3 Zakona o obrazovanju odraslih („Službene novine Kantona Sarajevo“, broj: 40/15, 40/20). Konkursna procedura će obuhvatiti:

- Test poznavanja rada na računaru i osnova grafičkog dizajna;
- Intervju motiviranosti, ranijih iskustva, predispozicija za rad u oblasti UI/UX design i spremnosti na usavršavanje i povezivanje s poslodavcima.



Komisija koju imenuje izvršna direktorica odredit će bodovne kriterije i predložiti rang listu kandidatkinja.

## XII ROK ZA OBJAVU REZULTATA KONKURSA

Rezultati konkursa bit će objavljeni najkasnije u roku od 8 dana od datuma zatvaranja konkursa na web stranici Organizatora obrazovanja odraslih ([www.nahla.ba](http://www.nahla.ba)).

## XIII POUKA O PRAVNOM LIJEKU

Kandidatkinje koje ne budu primljene na neformalni program obrazovanja na koji su konkurisali imaju pravo prigovora izvršnoj direktorici Organizatora obrazovanja odraslih u roku od 5 dana od prijema obavještenja o rezultatima konkursa.

Za sve ostalo što nije navedeno u konkursu primjenjivat će se odredbe Zakona o obrazovanju odraslih („Službene novine Kantona Sarajevo“, broj: 40/15, 40/20) i ostali podzakonski akti koji regulišu oblast obrazovanja odraslih.

Broj: 168/22

Sarajevo, 24.04.2022.



IZVRŠNA DIREKTORICA

Elvira Leka

---

*Lokalno partnerstvo za zapošljavanje Novi Grad Sarajevo je jedno od 20 uspostavljenih u zemlji u okviru projekta "Podrška Evropske unije lokalnim partnerstvima za zapošljavanje – Faza II" (LEP II), koji Evropska unija finansira s 4 miliona eura, a provodi Međunarodna organizacija rada (ILO). Ovaj projekat ima za cilj da doprinese poboljšanju prilika zapošljavanja u lokalnim zajednicama dajući podršku razvoju lokalnih partnerstava za zapošljavanje kao partnerski uspostavljenih mehanizama za tržište rada koji osiguravaju pristup formalnom zapošljavanju na lokalnom nivou. "Lokalno partnerstvo za aktivaciju i integraciju nezaposlenih na tržište rada" čine: Općina Novi Grad, JU Služba za zapošljavanje Kantona Sarajevo, Centar za edukaciju i istraživanja Nahla, Dizart d.o.o., TMP d.o.o., Udruženje trenera CEFE u BiH i Herbal Spa d.o.o.*

*Za više informacija o projektu LEP II posjetite [www.partnerstvo.ba](http://www.partnerstvo.ba) i kanale društvenih mreža (Instagram, Facebook, Twitter i YouTube).*